



ATASSUT

UPA 2016/133

Siverth K. Heilmann

25. 04. 2016.

**Namminersorlutik Oqartussat tamakkiisumik piginnittuullutik aktiaateqarluni ingerlatseqatigiiffiini ataasiakkaani siulersuisunut ilaasortassanik toqqaasarnermi nunatsinni najugaqavissut amerlanerussuteqartut ilaasortaasalernissaannik Naalakkersuisut aalajangersagaliortut inatsisissamik UPA 2017-imi saqqummiussassamik siunnersuusioqqullugit peqquneqarnissaanik Inatsisartut aalajangiiffigisassaattut siunnersuut.
(Inatsisartunut ilaasortaq Suka K. Frederiksen, Siumut)**

Inatsisartuni ilaasortap Suka K. Frederiksen-ip, Siumut, aalajangiiffigisassatut siunnersuutaanut imatut naatumik ATASSUT-miit oqaaseqarfigissavarput.

Siunnersuummut qulequtarineqartup, Namminersorlutik Oqartussat aktiaateqarluni tamakkiisumik pigisaanni, siulersuisunut ilaasortassanik toqqaaniarnerni, nunatsinni najugaqavissuunissamik aammalu arnat angutillu naligiissitaaneq tunngavigalugu inuttalersuisarnissarnissamik pingaartitsilluni oqallittarnigut, ikittuunngitsut maani inimi eqqartortarpagut isummersorfigalugillu.

Siunnersuuteqartoq ilumoorluinnarpoq, pingaaruteqarluninarmat maani nunami siulersuisuffiginiagaq tassaasariaqartoq, ulluinnarni qanimut inooqataanikkut ilisimasaqarfigisariaqartoq aammalu kalaallit qaffasissumik ilinniagartut amerliartuinnarnerat atorluarlugit ilisimasallu nunatsinniiginnarnissaat anguniarneqartuartariaqartoq, ATASSUT-ip isumaqatigilluinnarpaa.

Soorunami ATASSUT-miit oqariartuutiguaannarparput, aktiaselskab-ini inuttalersuinermit toqqartuinermitlu sapinngisamik misilittagaqarneq isiginiarneqarluni pingaarnerpaatullu salliutinneqartarnissaa, tammatullu isumaqarneq sulii ATASSUT-miit aalajangiusimavoq.

Taamatut naatumik oqaaseqarluta aalajangiiffigisassatut siunnersuut tamakkiisumik ATASSUT-miit akuersaarparput, suliallu aappassaaneerneaqannginnermini ataatsimiititaliamut susassaartumut peqqissaarullu suliarineqarnissaa inassutigalugu.

Qujanaq.